

皇朝詞林典故



皇朝詞林典故卷四十五

儀式

詞臣職在禁近。凡朝會祭祀燕饗巡幸諸大典。咸與侍從。進退升降。尺寸有度。非夫諳故事而習威儀者。不足揚職守而爲國華也。我

皇朝損益古今。燦然明備。會典準周官。通

皇朝詩林典故 卷之三
禮準儀禮。宏綱細目。罔不具陳。茲編
於詞臣侍班將事各儀式。條舉件繫。
薈爲一門。敘述明晰。視舊本加詳焉。
昭其慎也。若夫交際往來書疏投報
之文。木天故事相承。較之他曹。頗爲
繁重。雖無關

皇朝詩林典故
國典。然揖讓雍容。彬彬可觀。先民之敬

恭於是乎在。曩者口耳相傳。未有專書紀錄。懼其久而廢且謬也。述其大畧。附之帙末。俾後之登瀛洲者。資考證焉。

閱祝版侍班儀

凡

閱祝版香帛。俱於祭前一日冬至。

南郊。上辛。

祈穀。龍見。

常雩。三大祀。

御太和殿。起居注官蟒袍補褂。冬至上辛
蟒袍貂褂。

立於

殿之中間門外檐西柱下。東向。

北郊。

太廟。

社稷。

朝日。

夕月。

歷代帝王。

先師。

先農。均

御中和殿起居注官常服補褂。惟歲暮

祫祭

在元旦前三日應服蟒袍期內亦用蟒袍貂褂。立於

殿之中間門外檐西柱下東向。

太和殿班。俟祝版香帛出

殿門。太常寺官奏禮成。祝版下階。

上陞輿。乃退。

中和殿班。俟祝版出

殿門太常寺奏禮成時起居注官趨下
西階仍排班東北向立。俟

上陞輿轉入

殿東然後退。

大祀侍班儀

冬至。

上大祀

天於

園丘。祀日。第二成

黃幄次。設

上行禮拜位。北向。起居注官朝服立於第

三成階下。神道之西。東向。若上辛

祈穀。祀日。

祈年殿門內正中。設

上拜位。起居注官朝服立於檐外西階前。

東向。

孟夏

常雩。則與冬至

圜丘禮同。

夏至大祭

地於

方澤壇第二成

黃幄次。設

土行禮拜位。南向。起居注官朝服立於第
三成階下。神道之東。西向。

歲祭

社稷之禮。以春秋仲月。日用上戊。內壝北門
外正中。爲

上行禮拜位南向。起居注官朝服於壝門外東立西向。在接福胙侍衛二員之次。祈雨。祈晴。報謝。侍班儀並同。

元旦祭

堂子滿起居注官二員隨往立於門外北向。太廟時饗之禮。孟春於上旬諏吉。夏秋冬於孟月朔。祫祭之禮。於歲除前一日。屆

期。

殿門內正中均設

上行禮拜位。北向。起居注官朝服立西階
上。東向。

中祀侍班儀

朝日壇。

甲丙戊庚壬年春分之朝。

上親詣東郊行禮。入壝左門。升西階。拜位。
東向。起居注官朝服於壝門外之右。
負北立。南向。

夕月壇。

丑辰未戌年秋分之夕。

上親詣西郊行禮。入壝右門。升卯階。拜位。
西向。起居注官朝服於壝門外之左。

負南立北向。

歷代帝王廟。

殿門內正中爲

上行禮拜位。起居注官朝服立西階上。東向。

傳心殿。

上至文華門內東門降輿。由殿垣西門入。

景行中門。升中階。進

殿中門。起居注官補服立

殿門外之西。南向。

文廟。

每歲春秋仲月上丁。釋奠於

先師孔子。恭遇

上親詣行禮。起居注官朝服立於西階上。

東向。如遣官行禮。以大學士一人承祭。十二哲前。以資深之編修檢討二員分獻。俱朝服。

避暑山莊

文廟。

上駐蹕避暑山莊。遇仲秋丁祭。

欽派扈從大臣行禮。四配十二哲。以扈從